



Broj/Broj: 01/6-50-1-8-20/10

Sarajevo/Capajevo, 04.02.2010.

Na osnovu člana 46., a u vezi s članom 31. Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 33/06, 41/06, 81/06, 91/06, 91/07 i 87/09), Komisija za ostvarivanje ravnopravnosti spolova Predstavničkog doma Parlamentarne skupštine BiH je, na 20. sjednici, održanoj 04.02.2010., donijela sljedeće

ZAKLJUČKE

1. Komisija za ostvarivanje ravnopravnosti spolova Predstavničkog doma Parlamentarne skupštine BiH (u dalnjem tekstu: Komisija) održala je, 15.12.2009., tematsku sjednicu-javnu raspravu pod nazivom: “Obrazovanje i ravnopravnost spolova – analiza zastupljenosti problematike ravnopravnosti spolova u udžbenicima”.
Sjednici su prisustvovali predstavnici entitetskih i kantonalnih gender komisija, državnih, entitetskih i kantonalnih ministarstava iz oblasti obrazovanja, državnih i entitetskih gender agencija i gender centara, Agencije za predškolsko, osnovno i srednje obrazovanje, Institucije ombudsmena za ljudska prava BiH, nevladinih organizacija koje se bave promoviranjem ljudskih prava i vrijednosti, a prvenstveno ravnopravnosti spolova, te međunarodnih organizacija u Bosni i Hercegovini.
2. Na javnoj raspravi Komisija je upoznata o stanju u ovoj oblasti sa stanovišta primjene Zakona o ravnopravnosti spolova u BiH, s ciljem identificiranja uzroka i problema u primjeni Zakona o ravnopravnosti spolova (u dalnjem tekstu: Zakon) u oblasti obrazovanja, kao i zajedničkog utvrđivanja mjera koje je potrebno preuzeti radi poboljšanja stanja, uključujući i eventualne promjene u postojećoj zakonskoj regulativi.
3. Komisija je duboko svjesna značaja obrazovnog procesa za razvoj našeg društva. Obrazovne ustanove spadaju, nesumnjivo, u najvažnije institucionalne nosioce procesa socijalizacije djece i mladih, te kreiranja i prenošenja društveno vrednovanih znanja i vještina.
Gender senzitivno obrazovanje je posebno značajno za svako lice kao i za društvo u cjelini. Ono je važno za lični razvoj i kvalitet života svakog čovjeka a predstavlja i bitan faktor demokratizacije društva, ekonomskog razvoja, prosperiteta i održivosti jednog društva.
4. Diskriminacija na osnovu spola u sistemu obrazovanja je naročito opasna jer ona direktno podržava stereotipe o nejednakosti djevojčica i dječaka, muškaraca i žena. Stoga je bitno da sistem obrazovanja, i svi elementi tog sistema (vrtići, škole, univerziteti, istraživački instituti, nastavno osoblje, nastavni planovi i programi, udžbenici i literatura) vode brigu o uravnoteživanju postojećih gender hijerarhija, tako što će podjednako osnaživati djevojčice i dječake, djevojke i mladiće, žene i muškarce

i kao korisnike/korisnice i kao participante/participantice u obrazovnom procesu i proizvodnji znanja.

5. Gender analiza sadržaja udžbenika u Bosni i Hercegovini ukazala je na određene nedostatke i slabosti, a naročito: djevojčice i žene su brojno manje zastupljene, muškarci se najčešće predstavljaju kao nosioci zanimanja, aktivnosti u domaćinstvu se prvenstveno prikazuju kao ženske, žene se češće prikazuju kao majke nego muškarci kao očevi, djevojčice i žene prikazuju se kao pasivne i emotivne, a dječaci i muškarci su više aktivni i poduzetni, upotrebljava se generički muški rod, udžbenike uglavnom pišu muškarci, a također i tekstove koji se uvrštavaju u njih.
6. Zakonom o ravnopravnosti spolova u BiH (član 30.) propisana je obaveza usklađivanja svih državnih i entitetskih zakona s odredbama ovog zakona.
Zato ova Komisija traži i podstiče nadležne institucije na preduzimanje sljedećih mjera:
 - 6.1. uskladiti državne, entitetske i kantonalne zakone iz oblasti obrazovanja sa Zakonom o ravnopravnosti spolova BiH;
 - 6.2. osigurati da se putem zajedničkog jezgra nastavnih programa i planova promovira ravnopravnost spolova i da se planovima i programima te metodologijom rada osigura uspostavljanje obrazovnog sistema koji će garantirati eliminaciju onih nastavnih programa koji sadrže stereotipnu društvenu ulogu muškarca i žene, a koji za posljedicu imaju diskriminaciju i neravnopravnost spolova;
 - 6.3. osigurati ravnopravnu zastupljenost spolova u tijelima za uspostavljanje standarda u obrazovanju u Bosni i Hercegovini, stručnim institucijama entiteta i kantona i Brčko Distrikta BiH, kao i drugim stalnim i povremenim stručnim tijelima;
 - 6.4. osigurati upotrebu gender senzitivnog jezika u pisanju funkcija, zvanja, statusa;
 - 6.5. zakonom predvidjeti, kao težu povredu obaveza, nasilje na osnovu spola, uzneniranje i seksualno uzneniranje, te propisati kazne za nepreduzimanje odgovarajućih mjera i efikasnih mehanizama protiv diskriminacije i uzneniranja na osnovu spola i seksualnog uzneniranja;
7. O ovim zaključcima upoznati Konferenciju ministara o obrazovanju u BiH, gender komisije na svim nivoima zakonodavne vlasti, ministarstva obrazovanja i gender institucionalne mehanizme u izvršnoj vlasti, kao i učesnike javne rasprave.

PREDSJEDAVAJUĆI KOMISIJE

Vinko Zorić